

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

IX. De origine litterarum Samariticarum & Judaicarum.

urn:nbn:de:hbz:466:1-16260

niverint, tum vero aperte cognoscent, quam infirmum ex hujusmodi originationibus procedatur argumentum, ad nimiam lingua Ebraica vetustatem comprobandum.

Terium argumentum.

Clem. Alex.
Strom. I.

Quartum argumentum.

Hier. in Soph.
cap. 3.

*Quintum ar-
gumentum.*

*De origini li-
terarum Sa-
mariticarum
& Iudaica-
rum.*

August. Quæst.
69. in Exod.

VI. Hæc quæ dixi ostendunt argumenti levitatem, quod Deorum Ethnicorum nomina, ex Ebraica, ut volunt, lingua detorta subministrant; nam ex notationibus illis nominum pleraque itidem valde incertæ sunt, & si quæ certæ sunt, profluxerunt illa nomina ē Chananaea lingua, sive Ebraica, per commercia & colonias Ægyptiorum & Phœnicum, que fere fuerunt Abrahamo recentiores. His gentibus bona Græcanicæ Theologie pars accepta referenda est, & Græcorum Deorum complures Mose recentiores esse merito scripsit Clemens Alexandrinus; & nos Mosèm ipsum eos esse satis probavimus. Græcorum autem numinibus recentiores sunt etiam gentium occidentalium Dii: nam quicquid istis vetustis jaētant, nugæ sunt, & fabula meret, quarum in veteribus memoris indicia extant omnino nulla.

VII. Ex eorumdem Phœnicum peregrinationibus factum est, ut in Occidente multa exticerint Ebraismi vestigia. In Oriente vero tot bella gesserunt Israëlitæ, tot incursionibus lacerati sunt à vicinis gentibus; tot *μετανοσίαις* & *διγνωσκίαις* in Ægyptum, in Babyloniam, & Assyriam disseminati, ut minime mirum sit linguam Ebraicam cum ipsa gente quaeverius se diffusisse; ac proinde corruit quod inde conflatum est quartum argumentum. Adeo linguarum diversitatem tantam non fuisse, ut omnis omnino illarum affinitas extineta sit. Constituerat Deus universalem illam lingua ita perturbare, ut opus inceptum Babelica turris intermitteretur. Satis ad id fuit alterum alterius loquela non intelligere. Quantalibet autem Chaldaicæ, Arabica, Ægyptiacæ, aliisque cum Ebraica intercedat affinitas; nihil magis tamen qui unam recte norit, omnes noverit. Prima vocabula Persica & Germanicæ linguae communia observarunt viri docti; plurima quoque Græcæ & Germanicæ non unam tamen ex altera proveniente quisquam, opinor, dixerit. Hinc denique facile se expedient, qui primævam linguan divisam in omnes linguis ac dispersam fuisse statuunt, tum cum ea exortæ sunt: nemini enim non apertum erit ac perspicuum, unde contingit ut aliquam cum aliis omnibus linguis affinitatem videatur Ebraismus retinere. Quod autem scripsit Hieronymus, linguam Ebraicam omnium linguarum esse matricem, nimis late pater, & angustius concludendum est, intra eas videlicet linguis ac gentes, quarum auctores Chananei habendi sunt.

VIII. Postrema ratio ab Ebraica lingua simplicitate & castitate deponita, facili negotio retunditur: nam cum aliquam ipsi cum aliis linguis cognitionem esse constet, puta cum Chaldaica & Arabica, quæ potius voces communes ex illa in his, quam ex his in illam transisse demonstrabitur? Nam quod aiunt **לְפָנֶיךָ** prius esse quam **בְּלֹא**; neque ut hoc ita esse probent rationem afferunt, neque ullam quæ id persuadeat ego video. An quod hoc est illo litera una longius? Ergo Latinae voces, mors, sors, sub, ancilla, antiquiores sunt illis unde ortæ sunt, **μέρος**, **θέρος**, **τέτταρες**; & Gallicae voces, tempus, corps, ail, sens, four, ouir, cruel, antiquiores illis, tempus, corpus, oculus, sensus, fodere, audire, crudelis: quod falsum tamen est.

IX. Ebraicas literas, sive characteres, dixi esse duplicis generis; Samaritanos, quorum auctorem ali Sethum, Abrahamum ali esse putant; & Iudaicos, quos Eldras, non sine Synagogæ magnæ, uti quidem reor, auctoritate ac nutu, captivitatis Babylonicæ temporibus ad deferenda sacra Volumina usurpavit, definis Samarianis qui haecenus inter Ebraeos fuerant in usu. Ego vero de elementis Ebraicis non aliter ac de Ebraica lingua sentio, præsca nempe illa, quæ Samaritanæ appellantur, mera esse Chananea, iisque tum primum usum esse Abramum, cum in Chananeam venit, & regionis illius linguam didicit; ac ea demum posteris cum lingua tradidisse, abolito Assyriarum literarum & lingue usu, quas ad hoc tempus usurpauerat. Ante Diluvium, vel confusionem Babelicam, scripture & literarum usus repertus sit, necne, incertum relinquo; adeo obscura res est, & argumenta levia, quibus probatur vel refellitur. Postquam turbata est hominum loqua ac divisa, tum vero ad notandos animi sensus & exprimendas voces, adhibitos reor characteres diversis temporibus, prout singulariarum gentium necessitas & ingenii largitor usus postulabat; sive jam ante usurpari soliti esent, sive jam tum primum reperti. Pristina vero elementa, quæ ante Babelicam confusionem in usu fuisse dicuntur, quoniam incertum est an aliqua tum fuerint, eo etiam incertius est quid illis factum sit: nec sine temeritate & reprehensionis periculo affirmaverit quisquam, vel ea exolevisse, vel in gentis alicuius usum velut hæreditario jure transisse. Quocirca merito dubitat Augustinus, an fatis probari possit Ebraæs literas à primis hominibus fuisse inventas, Noachio deinde traditas, ad Abramum demum ejusque posteros fuisse transmissas. Sua ergo elementa habuit Assyria gens, sua etiam Chananea. Illis cum assuevisset à pue-

ro Abrahamus, Chananeis uti ccepit, cum in Chananaeum regionem venit; nec eorum abjecerunt usum Abrahami posteri, quod in Chaldaeum traducti priscae Assyriorum characteres resumserunt. In eam sententiam his adducor argumentis. Græcos à Phœnicibus, seu Chananeis literarum characteres accepisse, auctoritate Herodoti, aliorumque complurium satis constat. Arqui tanta est Samaritanos inter characteres & Græcos similitudo, quam ob oculos posuit Josephus Scaliger in erudita dissertatione de literis Ionom, ut manifestum sit ad illorum exemplum Græcos esse formatos. Unde efficitur Samaritanos seu priscae Ebraicos eosdem esse ac Chananeos. Patet preterea ab Assyriis elementis differre Samaritica: nam vel ipso inspectu tanta appetit utrorumque discrepantia, ut aliquando fuisse eadem minime credi possit. Nec enim tantum mutationibus obnoxii sunt characteres literarum, quantis linguae ipsa, cum sint certi ductibus & figuris circumscripti ac determinati. Major autem Ebraica lingua seu Chananeæ cum Assyria intercedit affinitas, quam literis ipsis; quæ si tantum quid habere videntur similitudinis & cognitionis, id ab Ebraicis ipsis illatum reor, quorum manus Samaritanis literis infusaæ cum Assyrias asciscerent, pristinos ductus non ita dedidicerunt, ut non ad eos etiam in vita flecerentur; atque ita Chananeos & Assyriæ characteres coaluisse in Ebraeos hodiernos, quemadmodum Chananeæ & Assyriæ lingua permisit, post captivitatem Babyloniam, Aramaeum seu Syriacam lingua peperit. Quo sensu dixisse videtur Hieronymus Eſ-
dram Judaicas literas reperiſſe, ut pote ab Assyriis paulum diversas, Chananaeum vero valde diffimiles: quarum Judaicarum usum præ carceris invexit Eſdras, clarissimus illa ætate inter Judæos Scriba, & Legis Doctor ac reparator: accedente floren-
tissima Synagoga, quæ Magna appellabatur, imperio, fine quo nec id attentasset Eſdras; nec si fecisset, successum res habuissent. Huc adde tralatitiam fuisse & per-
vulgatam multorum e Veteribus sententiam, Phœnicibus literarum inventionem debe-
ri, nedum literas ipsis ab aliis accepisse. Cum ergo Samaritani characteres, quos ab Abrahami ætate Ebraei usurparerunt, sint Chananaeum persimiles, vel potius iu-
dem, ab Assyriis vero prorsus diversi, utrum verisimilius esse dicendum est, eos ex Assyria in qua non fuerunt in Chananeam in qua fuerunt detulisse Abrahamum, & nepotibus transmisisse: an potius advenientem in Chananeam, gentis illius cum qua conversatus erat, linguam ac scripturam didicisse, patria lingua ac scriptura usu tantisper intermixto? Nec Diiodorum moror, qui Phœnices literas accepisse scribit à Syris, quibus quidam Assyrios illic significari volunt, ego vero Ebraeos ipsis inter-
preter; Mosem nempe, aut Abrahamum, quos literarum inventores fallo plerique existimarunt. Unde Eusebius, εἰσὶ δὲ τοῦτοι καὶ οἱ Σύροι φανεῖσθαι οὐκοῦντες. Sunt vero qui Syros litteras primos reperiſſe dicant. Syri sane hi, fuerint Ebraei, qui Judeam Phœnices vicinam colunt.
Hinc Eupolemus, ut saepè jam dixi, Mosem Judaicis literarum usum tradidisse docuit,
Judæos vero Phœnicibus. Quæ à vera prorsus ratione repulsa sunt,

X. Plane vero aspernamur deliria Rabbinorum, qui ut Samaritanae scriptura eriperent gloriam sanctitatis, & in Judaicam hodiernam qua utuntur transferrent, nihil non moliti sunt. Quidam affirmare ausi sunt Judaica scriptura exarata primum fuisse Legem & reliquos deinde Libros sacros; ac sanctam fuisse scripturam hanc, & rebus sanctis destinatam; Samaritanam vero profanam, & in rebus profanis à majoribus suis usurpari solitam; cuius intermissio in Babyloniuſ ſuſ Judaicam ſolum retinuerint. Sic R. Obadias de Bartenera, sic R. Jacob in Oculo Jacobi, sic R. Juda Muscato in librum Cozri, sic R. Azarias in Meor enain, sic ali bene multi. Probationes opinionis hujus ſolidas afferunt omnino nullas, nec vero quas afferant ullaſ habent; tantum ſomnia ſua ſic tanquam *χωρὶς δόξας* valere volunt. At Thalmuditæ Angelum scriptura hodiernæ auctorem fingere maluerunt. Eum enim qui inter Baltassaris epulas muro verba hæc inscripsit, Mane, Thekel, Phares, hodierno Ju-
daicorum charactere uſum tradidit, hunc ſuis Danielem tradidisse, Eſdram vero Li-
bros sacros eo postmodum defcripſiſſe. Sic & R. Selomoh Jarchi, & R. Samuel Japhet in libro cui nomen est Pulcher uisu. Addit ille characterem hunc statim didicisse, non Judæos ſolum, ſed Assyrios quoque; nec enim Samaritanum fuisse, aut Assyrium, ſed prorsus novum & ab Angelo inventum. Nempe pudebat Rabbinos scripturam ab Assyriis accepisse: quod ne fatarentur, omnia mendacia ſuis misere maluerunt. Verum cum in tribus dictionibus, Mane, Thekel, Phares, Angeli manu ad murum exaratis, non omnes reperiantur Judaicæ literæ, ecquem reliquarum auctorem jaſtabunt? Valeant ergo cum ſuis deliramentis Rabbini: nos certis insistentes vestigiis, non *ἀπεγνωμένοις*, nec temere errantes veritatem ſectamur.